

*Vuelvi al*

# PARAÍSU

---

*Guía pa descubrir Asturias*

[turismoasturias.es](http://turismoasturias.es)





# Vuelvi al paraíso

EDITA: SOCIEDÁ PÚBLICA DE XESTIÓN Y PROMOCIÓN TURÍSTICA Y CULTURAL DEL PRINCIPÁU D'ASTURIAS, SAU

Diseñu: Arrontes y Barrera Estudio de Publicidad

Maquetación: Paco Currás Diseñadores

Cartografía: Da Vinci Estudio Gráfico


Testos: Susana D. Machargo

Fotografía: Portada: Amar Hernández. Interiores: Amar Hernández, Armando Álvarez, Benedicto Santos, Casona del Viajante, Comarca de la Sidra, Hotel 3 Cabos, José Ángel Diego García, José Mª Díaz-Formentí, José Ramón Navarro Tudela, Juan de Tury, Juanjo Arrojo, Manuel S. Calvo, Marcos Vega García, María Martín Berciano, Miki López, Museo Bellas Artes, Noé Baranda, Paco Currás SL, Pelayo Lacazette, Pozo Sotón, Incuna, Xurde Margaride, y Archivu Propiu.

Imprenta: Sgraf Artes Gráficas SL - Nov. 22

D.L.: AS 00733-2018

© CONSEYERÍA DE CULTURA, POLÍTICA LLINGÜÍSTICA Y TURISMU DEL PRINCIPÁU D'ASTURIAS





Vega de Brañagallones (Caso)

Los primeros pobladores yá pintaben los sos suaños, los sos mieos y la so sensibilidá nes parés de les cueves onde s'abellugaben de los peligros. Dende eses pintures rupestres, que güei tienen la máxima reconocencia y protección internacional, a l'arquitectura vanguardista del Centru Niemeyer d'Avilés pasaron sieglos d'historia que llabraron el paisaxe del Principáu y la idiosincrasia de los asturianos. La cultura castreña, el guerrero Pelayo y el Reinu d'Asturies, los ilustraos del sieglu XVIII, la revolución industrial nuna tierra de la que salen agua y carbón son elementos qu'entá puen percibise y gozase.

Per tierra, mar y aire. Nun da más la puerta d'entrada. La visión arguyosa del empináu Cordal Cantábricu, del perfil ondiáu de los sos valles verdes y del perfil arispiu de los cantiles que caen al Cantábricu, un mar d'azul intenso, cautiva primero inclusive de poner un pie n'Asturias. Ye namás un aperitivu d'una esperiencia pa la que se precisen los cinco sentíos. Ensin ellos nun pue saborguiase la so gastronomía, ablucar cola arquitectura, alendar la so naturaleza, sentir el llatíu del so corazón urbanu o disfrutar la hospitalidá.

Asturias ye honesta, auténtica, vital, respetuosa col pasáu y col presente, servicial, valiente, atopadiza, moderna y cosmopolita. Concentra, como si d'un beberaxe máxico se tratare, la esencia arguyosa de toles cultures que trataron de conquistala, con éxito desigual, y dexaron una buelga imborrable en forma d'historia, lleenda, arquitectura o vezos.


Esta guía trata d'averase de forma concisa a esa Asturias que convida a sentise vivu y que supón una vuelta a lo natural, lloñe del estrés de la rutina diaria. Son namás apuntes, unes veces emocionales, otros de sentíu más prácticu, que busquen despertar l'interés y malpenes suxerir una llista de visites imprescindibles pa empezar a rasiar la superficie. Ye un senderu de migayes de pan pa empobinate al to propiu Paraísu Natural.




# Índiz



Playa de L'Aguada (Llanes)



- 4. Esplora'l paraísu
- 8. Somórguiate na costa
- 12. Absuerbi la cultura asturiana
- 16. Mira al to alredor
- 20. Actívate n'Asturies
- 24. Piensa col estómagu
- 28. Llati col corazón urbanu
- 32. Alienda Asturies
- 36. Anda camín del pasáu
- 40. Información práctica



## El primer parque nacional d'España

El 22 de xunetu de 1918, Alfonso XII declaró'l primer parque nacional d'España. Yera l'entós Parque Nacional del Monte de Cuadonga, l'aniciu del parque actual de Los Picos d'Europa. La puerta d'accusu dende Cangues d'Onís ye un requexu crucial pa la historia d'España: Cuadonga, onde s'asitia'l principiu de la Reconquista nuna batalla mítica liderada por Pelayo. La cueva onde s'apaeció la Virxe y la Basílica presiden güei esti requexu.



Reserva Natural Integral de Muniellos (Cangas del Narcea y Ibias)

# Esplora'l paraísu

## #ParaísuNatural

Si de daqué tán arguyosos los asturianos ye de la so naturaleza: los sos montes misteriosos, la so mariña a salvo del torbolín inmobiliariu, los sos ríos salmoneros y los montes empinaos, la cuenta pa los amantes de la escalada y el senderismu. Esi arguyu traduzse nun caltenimientu magníficu que fixo posible protexer con delles figures nacionales y internacionales más d'un terciu del territoriu y enseñar la mariña mejor preservada d'España.


*Ente reserves, parques, paisaxes protexíos y monumentos naturales suma 55 espacios que destaquen pol so paisaxe, la so xeoloxía o botánica.*

Entender esa pasión pola naturaleza namás ye posible si s'esperimenta. Pa entrar nella ye imprescindible meter na maleta la ropa y el calzáu amañoso.

La esploración empieza peles 7 Reserves de la Biosfera declaraes pola UNESCO nel Principáu. La de **Los Picos d'Europa** foi'l primer Parque Nacional d'España, protexíu dende 1918. Nel so corazón remanez El Picu Urriellu, un auténticu imán pa los escaladores, y ábrense Los Llagos. **Fontes del Narcea, Degaña y Ibias** ye un Parque Natural con una fauna totémico, ente lo que destaca l'osu y el faisán, y onde ye posible conocer la Reserva Natural Integral del Monte de Muniellos y la Reserva Natural Parcial d'El Cuetu d'Arbas. L'osu estiende'l so hábitat hasta **Somiedu**, qu'amás de Reserva de la Biosfera convirtióse nel primer Parque Natural d'Asturies (1988). El so llagu d'El Val, le ye'l de mayor tamañu de la rexón y les sos brañes (zones de pastoríu en monte) tán

### Calumba nun monte máxicu

Namás venti persones al día puen gozar de la esperiencia de percorrer el monte de Muniellos, el mayor carbayéu d'España y ún de los mejor conservaos d'Europa. Ye menester acutar con abonda antelación. La ruta ta trazada, ye circular y tien una llargura de 20 quilómetros. Ye de baldre, pero pue contratase un serviciu de guía de pagu. La so duración ye d'unes siete horas y resalta un desnivel de 600 metros. Ye menester llevar ropa de monte amañoso y comida. Nel percorríu nun hai nengún chigre o tienda.



La Firvia d'Oneta (Villayón)



Parque Natural de Somiedu

chiscaes de teitos (cabañas de cubrición vexetal). **Penubina-La Mesa** contién el segundu sistema de picos más grande de la rexón, el macizu de Penubina, y ta enllenu de monumentos naturales, como Cuevagüerta, averu d'una colonia hibernante bien curiosa d'esperteyos, o los puertos de Marabiu, col so complexu kársticu tan peculiar. **Redes** ye abellugu de toles especies propies del norte, del osu al faisán o'l lllobu. La so orografía complexa, tamién reconocida como Parque Natural, combina con una guapura espectacular montes, valles y escobios caliares, que puen descubrirse en Les Foces del Llámu o en Los Arrudos. **Ponga** estructúrase en foces como les de Ponga o Los Beyos y integra la Reserva Natural Parcial de Peloñu.

Os Ozcos-Eo ye la mayor Reserva de la Biosfera de la UNESCO. Marca esti territoriu, de principiu a fin, la exa fluvial del ríu Eo, espacio privilexáu pa realizar actividaes como la observación d'avies.

---

*Aparte de les Reserves de la Biosfera, Asturias tien 6 reserves naturales parciales, 40 monumentos naturales y 2 paisaxes protexíos.*

---

Otres figures internacionales reconocibles son la Rede Natura 2000 de la Unión Europea y los Llugares d'Importancia Comunitaria (LIC). Siguiéndo'l so rastru, puen descubrirse El Puertu Sueve y Cuera, los saltos d'agua d'Oneta, les foces del Esva, la cueva de Deboyu, el bufón de Santiuste, la Ría de Villaviciosa, el picu Caldoveiru, el texu de Pastur o Barayu.

El senderismu ye quiciabes el mejor mediu p'almirar esos requexos exuberantes. Asturies dispón de rutes al algame de toles formes físiques y tolos gustos y p'aquellos que namás quieren entamar una incursión pequeña. Tampoco nun ye menester aparcar el coche. La rede tan tupida de carreteres rexonales dexa combinar visites y programar escursiones inolvidables. Pedalar al traviés de les vías verdes señalizaes y bien calteníes o percorrer dalgún de los caminos que sigúen los xigantescos dinosaurios, usando como pista les sos icnites llabraes na piedra, son otras opciones. Hai esperiencias temáticas al gustu del viaxeru, según la parte del año. El turismu de avistamiento abrió una puerta nueva a les esperiencias: integrase nuna ruta ornitolóxica, seguir el rastro del osu, prebar la naturaleza n'escursiones de recogida de plantes que s'user en talleres de cocina o percorrer les mayaes de pastores cola vista puesta nel cielu pacolumbrar el vuelu de los frangüeses reintroducidos en Los Picos d'Europa. Asina s'esperimenta en carne propia la pasión pola naturaleza.



*Más información en:*  
[turismoasturias.es/ParaisoNatural](http://turismoasturias.es/ParaisoNatural)



## Nun lo pierdas...

- Miradores d'El Fitu (Parres), El Pozu la Oración (Cabrales), El Cabu Bustu y la capiya de La Regalina (Valdés) y puertu d'El Couniu (Cangas del Narcea).
- Los Llagos - Parque Nacional de Los Picos d'Europa.
- Trés de la pisada del osu, venáu y llobu: El Monte Central y los Parques Naturales de Fontes del Narcea, Degaña y Ibias, Penubina-La Mesa, Somiedu y Redes.
- Pelos montes asturianos, carbayeos y fayeos: Muniellos y Peloñu
- Los estuarios del Eo y Villaviciosa.
- Rutes pelos saltos d'agua de La Firvia (Villayón), A Seimeira (Santalla d'Ozcos), El Cioyo (Castropol) y Xurbeo (Ayer).

## Sigui los resclavos de la fauna

Nesti escenariu seductor, sobreviven dellos animales únicos, como l'osu pardu cantábricu, una especie en vías de recuperación. La Sienda del Osu ye una vía verde la cuenta pal senderismu y el cicloturismu. Dispón de bicicletes d'arrienu. Nuna de les sos veres atópasel zarru oseru de Proaza, onde viven Paca y Molina.

La Casa del Llobu, en Balmonte, ye un centru d'interpretación, que rinde homenaxe a Félix Rodríguez de la Fuente. Les instalaciones complétense con un paséu guiáu y accesible de quilómetru y mediu, xunto al ríu Pígüeña hasta una zarru con trés exemplares ibéricos. Otra experiencia inolvidable ye escuchar la emocionante berrida de los venaos, nel tránsitu ente'l branu y la seronda, preparáu en dalgún valle qu'amplifica la llamada. O participar, en plenu Puertu Sueve, na fiesta del Asturcón, ún de los caballos más antiguos y puros del mundu, de tamañu pequeñu y estructura robusta. El centru Los Montes del Frangüesu, en Benia, ye un espaciu que fomenta l'estudiu y l'interés poles ciencies naturales, amás de promover esperiencias de caltenimientu y desenvolvimientu sostenible.



Osu Pardo Cantábrico

## Playas de naturaleza salvaxe

Playas de sable blanco o dorao escuéndense na mariña. Les singulares Gulpiyuri o Cobijeru son interiores. Retiraes de la primer llinia del mar, l'agua pasa pelos cantiles porosos y, mentes ye la pleamar, tresfórmense en piscines d'agua salao. Esa formación porosa tamén abre nel oriente los bufones, chimenees afuracaes na peña peles que se siente como entra'l ruxiu de la mar y, inclusive, asoma la espluma en díes de vagamar. De nome evocador, la playa d'El Gavieiru cunta con delles figures de protección, igual que les de Vega, L'Espartal, Penarronda, Frexulfe, Barayu, Rodiles y El Sablón de Bayas.




Playa d'Andrín (Llanes)

# Somórguiate na costa

#AsturiasCostera

401. Esos son los quilómetros de la costa del Principáu, la so frontera col Cantábricu. La costa mejor conservada d'España ye tierra de marineros y armadores curtíos na so batalla contra la mar que supieron llevar tan los sos pueblos verticales enriba d'embarcaderos guardaos de les peores marees. Son heriedes de los cazadores de ballenes qu'en plena Edá Media lluchaben con apareyos rudimentarios contra cetáceos escomanaos. Los faros qu'a lo llargo de sieglos guiaron el camín entá chisquen los cantiles, y les ríes que marcaron el calter de los mariscadores son agora reserves naturales. La so idiosincrasia sofítase enriba d'oficios tradicionales, ritos marineros, un folclore singular y una gastronomía basada na so despensa natural.

*Asturias cunta con 18 pueblos marineros de cultura ancestral y guapura pintoresca, colos sos puertos, les sos rules, les sos cais empedraes y la so tradición pesquera.*



Caún tien la so singularidá y el so carisma. Les cases espectaculares de Cuideiru y Llastres construyéronse en terraces inverosímiles que reten a les lladeres. El muelle coloríu de Llanes ta defendíu con piedres inmenses de formigón de la escollera; son la base d'una de les obres más ambiciosas del vascu Agustín Ibarrola, Los Cubos de la Memoria. El casquín urbanu d'El Porto ye un balcón al Cantábricu y el d'As Figueiras, a la Ría del Eo. Les villes marquen fronteres, como asocede con Bustio o Castropol, y son testigos privilexaos de la desembocadura de ríos caudalosos, como San Esteban y l'Arena, nes dos orielles del Nalón. Lluarca ye la villa blanca con edificios modernistes y indianos.



## De faru en faru

Una ruta pelos faros d'Asturias reconcilia col paisaxe, cola mar, los cantiles y les aves marines. Dei Cabu Bustu a El Cabu Llastres, con parada n'El Cabo Peñes, el puntu más septentrional d'Asturias, con un centru d'interpretación habilitáu nos baxos de la torre. Son talayes excepcionales los faros de Tapia, Ortigueira, Candás, Tazones, Llastres, Ribeseya, Llanes y Bustio.

L'arquitectura de la emigración tamén ye típica d'Ortigueira, un nucleu empericotaú a 20 metros sobre'l nivel de la mar. En Tazones desembarcó n'España, procedente de Flandes, Carlos V. Vixila Tapia l'único faru asturianu construyíu nuna isla. Candás y Lluanco yá yeran puertos de referencia na Edá Media y entamen eventos gastronómicos basaos en productos básicos de la so cocina, como les sardines o'l bonitu. Un de los asentamientos más vieyos del Occidente ye Veiga, onde conviven casones marineros y solariegues. Palacios, casones y muralles tracen l'urbanismu de Navia, ún de los pueblos marineros menos cuestos y más grandes, xunto a Ribeseya, que foi centru neurálxicu del comerciu marítimu nel sieglu XIX.

Les playes son pal branu, pero tamén pa pasiar en plenu iviernu. Los urbanites tienen una ufierta amplia con Xixón, Ribeseya o Salinas como referencies. Sicasí, los amantes de la naturaleza cunten con otros más escondíos y selvaxes, pedreros y grandes arenales abiertos. Dos reserves naturales rematen en playes de gran guapura. Son Villaviciosa, con Rodiles, y Barayu –ente Navia y Valdés–, un ecosistema qu'entemez dunes, cantiles y especies botániques únicas.

Ría de Villaviciosa (Villaviciosa)



*La Sienda Costera resulta una ferramienta escelente pa disfrutar de los matices que componen los 401 quilómetros de costa.*

Esta ruta atópase estructurada en tramos de distintos llargores, durez y encantu. Los miradores de Muros dan una visión distinta, igual quel tramu ente Frexulfe y Veiga, onde se baxa de cantiles a senderos al nivel de la mar.



Más información en:  
[turismoasturias.es/AsturiasCostera](http://turismoasturias.es/AsturiasCostera)



## Nun lo pierdas...

- Los Bufones de Pría (Llanes).
- Cuideiru.
- Playa de Gulpiyuri (Llanes).
- El Cabo Peñes (Gozón).
- La Costa de los Dinosaurios y el Muséu Xurásicu d'Asturies (Colunga).
- Reserva Natural Parcial de Barayu (Navia y Valdés).




Vagamar en Cuerres (Ribeseya)





Playa de La Gueirúa (Cudeiru)



La Telaia de Lluarca (Valdés)

## Resclavos d'un pasáu balleneru

Un documentu datáu en 1232 cunta cómo aquellos marineros asturianos tan bravos salén a la mar en busca de ballenes. El puntu más alto desti arte pesqueru diose nos sieglos XV y XVI pa desapaecer nel XVIII. Pue afondase neses resclavos balleneros al traviés de Llanes, Ribeseya, Llastres, Xixón, Candás, Lluanco, Cudeiru, Veiga, Ortigueira, El Porto, Tapia y As Figueiras. Son visibles nel mirador de La Riba, en Veiga; nel barriu de Los Balleneros, de Llastres; nel puertu medieval de Cadavéu o nel área recreativa de La Mofosa, en Lluanco. Si se mira en tientes la mar dende la costa central, los güeyos quiciabes tropiecen col surtidor d'una ballena que crucial Cantábricu.



## Un estilu únicu n'Europa

Doce templos y trés construcciones civiles, fechados ente los sieglos IX y X, conformen el conxuntu d'arquitectura altomedieval más completo y mejor conserváu del occidente d'Europa, que se completa con pieces riques d'orfebrería. La so singularidá artística y histórica ta reconocida pola UNESCO dende 1985. Cocien d'esta distinción Santuyano, San Miguel de Lliño, Santa María de Naranco, La Cámara Santa d'Uviéu, la fonte de Foncalada y Santa Cristina de Llена.

Santa María de Naranco (Uviéu)

# Absuerbi la cultura asturiana

## #AsturiesCultural

La historia tán azarenta y dilatada d'Asturies convirtióse nel filo conductor pa entender la so cultura tan heteroxénea. Esta tierra taba habitada va 200 millones d'años por dinosaurios titánicos que dexaron les pisaeas a lo llargo de la costa. Los primeros pobladores abellugábense en cueves onde les pintures rupestres dan testimoniu del so interés incipiente pol arte 22.000 años primero de la nuestra era. La sociedá castreña remanez en construcciones circulares escavaes y güei entá ye visible nos poblaos fortificaos del occidente: los castros. Puen visitase los de San Lluis, n'Ayande, o El Castriyón, en Cuaña.

El Reinu d'Asturies, nació en plena Reconquista, convirtió'l Principáu nel corazón d'una Europa nueva, con una monarquía interesada nel talentu que frutió nun estilu arquitectónico único: l'Arte Prerrománico Asturianu, que s'esparde per un montón de conceyos, d'Uviéu a Villaviciosa, Lleña, Pravia, Colunga, Santu Adrián... Ilesies, palacios y monasterios formen l'heriedu góticu y barrocu, cola Catedral d'Uviéu como esponente máximo. La revolución industrial volvió modificar esi horizonte y dexó paisaxes que nel sieglu XXI volvieron reinventase con obres como'l Centru Niemeyer, en plena Ría d'Avilés.

*Un paséu pela cultura asturiana ye un viaxe nel tiempu al traviés de los sieglos.*

Una manera perbona d'empezar esti viaxe ye al traviés de los elementos reconocíos como Patrimoniu de la Humanidá pola UNESCO: les cueves d'arte rupestre, l'Arte Prerrománico Asturianu y los itinerarios del norte del Camín de Santiago. Les cueves y averos con arte prehistóricu nes parés repártense pel Principáu y cinco d'elles gocen de la figura de protección mundial más prestixosa. Son les d'El Pozu'l Ramu (Ribeseya),

### Viaxa nel tiempu dientro d'una cueva

Ente 22.000 y 10.000 años primero de la nuestra era, los seres humanos habitaben les cueves de La Moría d'Ardines y dexaben nes parés marques de la so forma de vida. La cueva d'El Pozu'l Ramu (Ribeseya) cuenta con delles de les pintures d'arte rupestre mejor conservaes y ta abierta al público de marzu a ochobre. Les visites organízense en grupos de 15 y ye menester acutar en tiempu. Na galería, de 700 metros, hai once conxuntos de pintures. Destaquéen los caballos y los renos. Cola mesma entrada pue percorresel Centru d'Arte Rupestre de Tito Bustillo, que populariza la visita y uiferta un averamiento modernu.



La Covaciella (Cabrales), Llonín (El Valle Altu de Peñamellera), El Pindal (Ribadeva) y La Peña (Candamu). Lo mesmo asocede col Prerrománico, que se presenta maxestosu. En concreto, los edificios catalogaos son los allugaos n'Uviéu y Lleña. Los Caminos del Norte a Santiago de Compostela, Costeru y Primitivu, foron los posteriores n'entrar nesi club tan escocíu de la UNESCO, coles sos milenta opciones pal pelegrín, y que



Castru d'El Castriyón (Cuaña)


nes sos veres surden xoyes escondíes del patrimoniu, como San Salvador de Priesca (Villaviciosa), Santa María de Souto Lluiña (Cuideiru) y el monesteriu de San Salvador de Corniana (Salas).

Sedulen a los viaxeros con motivación relixosa la catedral górica de San Salvador d'Uviéu, que guarda les reliquias del Santu Sudariu, la Cruz de la Victoria, y la Cruz de los Ánxoles, con una lleenda máxica de pelegrinos orfebres que diseñaron la pieza p'Alfonso II; y la cueva y la Basílica de Cuadonga, un llugar ente picos de guapura pintoresca onde la Virxe s'apaeció a Pelayo y dio-y el valor pa empezar la Reconquista.

La llista d'imprescindibles ye interminable, dende monesterios imponentes como los de Courias, San Salvador de Corniana o Santa María de Vilanova, a teatros comol Riera de Villaviciosa, o palacios como La Quinta Selgas n'El Pitu, Cuideiru, llamáu'l Versalles asturianu en pequeño.

*Ye imposible entender tola esencia  
d'esti treme cultural ensin, polo menos,  
escarbar na so etnografía.*


Los museos y los complexos temáticos recuerden el pasáu musical, educativu y económico d'una sociedá que supo adaptase ensin desdexar los sos raigaños. El Muséu del Pueblo d'Asturias, en Xixón; el Muséu Etnográficu de Grandas de Salime, el conxuntu etnográficu d'Os Teixóis, en Taramundi; el Muséu Etnográficu del Oriente d'Asturias, en Porrúa-Llanes; el Muséu Marítimu d'Asturias, en Gozón; l'edificiu tan esquisitu de la "Quinta Guadalupe" que guarda la Fundación Archivu d'Indianos-Muséu de la Emigración, en Colombres; o'l de la Escuela de Cabranes son dellos exemplos.



Os Teixóis (Taramundi)



Real Sitio de Cuadonga (Cangues d'Onís)



L'actividá cultural que se desenvuelve nel Principáu ye tan completa como'l so patrimoniu. La temporada d'ópera, dende setiembre a principios del otru año, ye un referente de la programación anual del Teatru Campoamor, d'Uviéu, con estrenes y títulos de calidá. Daqué bien asemeyao asocede col Teatru Palacio Valdés, d'Avilés, marcu d'estrenes nacionales y un referente pa los amantes de la escena. La programación complétase na ciudá col Centru Niemeyer. En Xixón, amás del Festival Internacional de Cine, tán el cartel del Teatru Xovellanos y el de La Llaboral, col teatru y el Centru d'Arte y Creación Industrial.

La rede de museos ye vasta pol so número y poles sos temátiques múltiples. En plenu corazón d'Uviéu, vas atopar el Belles Artes, con una ampliación moderna y premiada. Non mui lloñe, el

Muséu Arqueolóxicu recuérdanos la prehistoria y historia d'Asturias, y l'Archivu Históricu, asitiáu na cárcel vieya de la ciudá, ábreños los güeyos a la historia. Otru de los estandartes, pol so allugamientu nuna talaya de la rasa costera y polos sos fondos, ye'l MUXA, el Muséu del Xurásicu d'Asturias, un edificiu cola forma d'una pisada de los fascinantes dinosaurios. El Centru de Recepción del Prerrománicu, nes escuelas vieyes del Naranco, dexa acutar les visites. El Parque de la Prehistoria de Teberga ye un proyectu orixinal onde se recopilaron reproducciones de les pintures rupestres.



Más información en:  
[turismoasturias.es/](http://turismoasturias.es/)  
 AsturiasCultural

## Un Belles Artes hipnóticu

Más de 15.000 pieces, del sieglu XIV a l'actualidá, componen la mayor colección d'arte del Principáu, que pertenez al Muséu de Belles Artes d'Asturias. Pintures, escultures, grabaos, semeys. De Dalí a Goya, El Greco, Murillo, Tàpies, Barceló, integren esta compilación abierta, que sigue medrando gracies a adquisiciones, depósitos y donaciones. Tamién l'inmueble d'esti muséu tien gran valor en por sí. Ta formáu por trés edificios, el palaciu de Velarde (XVIII), la Casa d'Oviedo-Portal (XVII) y l'ampliación premiada, inaugurada nel 2015, de Patxi Mangado.



## Nun lo pierdas...

- El Prerrománicu Asturianu: Santa María de Naranco, San Miguel de Lliño...
- Arte Rupestre: El Pozu'l Ramu y el so Centru d'Arte Rupestre de Tito Bustillo (Ribeseya), La Peña (Candamu) y el Parque de la Prehistoria de Teberga.
- El Muséu de Belles Artes d'Asturias (Uviéu).
- El Muséu del Pueblu d'Asturias (Xixón).
- Los Castros del Navia: cultura castreña.
- Premiu "Princesa d'Asturias".

## La experiencia minera nel Valle del Nalón

El valle del Nalón ufierta trés formes d'averase a la minería y a la so importancia urbanística, social y económica. La primera ye al traviés del Muséu de la Minería y la Industria de l'Entregu, percorriendo'l so espaciu espositivu tan completu. La segunda ye siguiendo esta indicación: "Ven a conocer un valle, un pueblu y una mina". Asina se presenta l'Ecomuséu de Samuño al viaxeru. La experiencia dexa percorrer dos quilómetros nun tren siguiendo la ruta onde se tresportaba'l carbón sacao de les esplotaciones, visitar el conxuntu esterior del pozu vieyu de San Luis y esplorar la redolada de la localidá de La Nueva. La tercer alternativa, muncho más intensa, ye la de metese directamente na escuridá de la mina, onde se forxó'l calter solidariu de los mineros. La compañía Hunosa ufierta visites guiaes al pozu d'El Sotón. Báxase hasta 556 metros na típica xaula y percuérrense les plantes octava, novena y décima.



Ecomuséu mineru Valle de Samuño



## Nun lo pierdas...

- Muséu de la Minería y de la Industria d'Asturias -MUMI- (L'Entregu-Samartín del Rei Aurelio)
- Ecomuséu Mineru Valle de Samuño (Ciañu-Llangréu)
- Pozu d'El Sotón (Sotondio-Samartín del Rei Aurelio)
- Pobláu Mineru de Bustiello (Mieres)
- Muséu de la Mina d'Arnáu (Castrillón)
- Muséu del Ferrocarril d'Asturias (Xixón)



# Mira al to alredor

## #TurismuIndustrial

Figures de castilletes mineros presidiendo l'horizonte, caminos de metal transitaos por máquines de vapor, poblaos nacíos del paternalismu industrial... Toos ellos son el testimoniu de la riqueza que surde del subsuelu, de los ríos y del fondu de la mar, de cómo valientes homes y mujeres trajeron de domar la naturaleza.

Poco tien que ver esta imaxe cola Asturias rural del sieglu XIX, que vivía de la llabranza y el ganáu y que cuntaba con unes poques fábriques conserveres y otres d'armes inauguraes nel XVIII. Los sos homes y mujeres conocién el carbón dende diba, polo menos, dos sieglos, anque enxamás punxeren interés por esplotalo. Pero la


industrialización riquía de combustible y los xacimientos asturianos yeren demasiao cobiciaos. La estracción del carbón traxo tolo demás. Cola minería llegó la metalurxa-siderurxa y la producción d'enerxía, alimentao tamén pola bayura d'agua. El ferrocarril convirtióse nel filo conductor de la industrialización. Al so pasu, foi camudando'l paisaxe del Principáu y empobinándolu escontra'l futuru.

El patrimoniu industrial asturianu, protexíu pola Llei de Patrimoniu Cultural, incluye trés tipos de bienes: elementos aislaos, como la Fábrica de Tabacos, asitiada en plenu centru de Xixón; conjuntos industriales, como'l d'Arnáu o la Fábrica d'Armes de Trubia; y





Pobláu Mineru de Bustiello (Mieres)



Central hidroeléctrica de Grandas de Salime



Muséu del Ferrocarril (Xixón)



paisaxes complexos que conecten a golpe de vista actividaes estremaes, como asocede nos valles del Nalón o del Caudal y, más concretamente, col paisaxe mineru de Turón.

Esos bienes y estructures industriales van marcando l'horizonte asturianu. Entamar un viaxe peles carreteres del Principáu supón ver el perfil de los castilletes que baxaben les xaules a los pozos, l'arquitectura singular de les barriaes mineres, les fábriques, los depósitos vieyos de gas o les chimenees desafiantes. Plasmen el centru d'empreses rehabilitáu de Valnalón, el pobláu mineru de Bustiello o los castilletes y les bocamines de Mosquitera, Candín o San Fernando. El saltu hidráulicu de Salime, la presa de mayor tamañu d'Asturies, escuende dientro pintures murales y baxorrelieves de los arquiteutos y artistes, amás de padre y fiu, Joaquín Vaquero Palacios y Joaquín Vaquero Turcios.

## *Les carreteres tamién bordien exemplos de la industria agroalimentaria puxante o d'otres artes tradicionais.*

La fábrica de sidra El Gaitero compaxina la so actividá con visitas guiaes a una colección permanente y al llagar, con una preba final. Tamién lo faen un gran número de llagares sidreros. La industria conservera llegó a tener abiertes quasi un centenar de fábriques, que suponían un xacemento d'empléu tradicional pa les mujeres. La Exposición Permanente de la Industria Conservera de Candás ta nel depósito d'agua vieyu de la Fábrica de Conservas y Sidra Bernardo Alfageme.

Existe una rede d'equipamientos percompleta qu'ayuda a entender tanto les actividaes industriales como les condiciones llaborales de los sos trabayadores y les sociedaes que medraron alredor d'elles. El Muséu de la Minería y la



Industria Conservera





Escoyeta de la mazana

Industria (MUMI) de L'Entregu recueye la memoria histórica de la esplotación del carbón y reproduz una mina-imaxe. El Muséu de la Siderurxa (MUSI) habilitóse nuna torre de refrixeración d'una planta vieya de Duro Felguera, en Llangréu. El conxunto mineru d'Arnáu tien una peculiaridá que la estrema de los demás: dalgunas de les sos galerías van per debaxo la mar. La Estación del Norte vieya, en Xixón, ye na actualidá un Muséu del Ferrocarril d'Asturies (MFA) que repasa la so historia vertebradora.



Más información en:

[turismoasturias.es/TurismoIndustrial](http://turismoasturias.es/TurismoIndustrial)



Muséu de la Minería y la Industria – MUMI – (SMRA)

A photograph of a surfer walking along a beach at sunset. The surfer is silhouetted against the bright orange and yellow sky, carrying a surfboard. The ocean waves are visible in the foreground, and a range of mountains is silhouetted against the horizon.

Asturies ye un referente pa los amantes del deporte y de les actividaes al aire llibre, qu'atopen nesta tierra un auténticu parque temáticu natural.

La so orografía tan peculiar convirtióse nun reclamu pa los viaxeros que nun se conformen con conocer un destín nuevu, sinón que tamién quieren estrumilu.

# Actívate n'Asturias



#TurismuActivu

## Nun lo pierdas...

- ▶ Baxaes en canoa o piragua per dalgún de los nuestros ríos: Sella, Nalón y Navia.
- ▶ Ruta del Cares.
- ▶ Ascensión d'El Picu Urriellu.
- ▶ En bici peles nuestras vías verdes: Sienda del Osu, Turón o la del Eo.
- ▶ Surf en Frexulfe, Xagón, Penarronda...
- ▶ Estaciones d'Iviernu: Valgrande-Payares y Fuentes.

## Un descensu internacional

El Descensu Internacional del Sella, el primer sábadu del mes d'agostu, si esti nun cai en día 1 o 2, ente Les Arriondes y Ribeseya, ye una prueba de repercusión mundial, conocida como Les Piragüés. Creóla Dionisio de la Güerta depués de disfrutar una excursión ente les localidaes de Coya y L'Infiestu en 1929. El so programa tien una parte lúdica, con fiesta, pregón y desfile de xarrés, y otra deportiva colos meyores piragüistes de distancies llargues.

El turismu activu y deportivu ye una modalidá regulada y ordenada pa disfrutar con tola segurana. Amás de los espacios naturales singulares, existe bayura d'instalaciones que complementen la ufierta y un catálogu d'actividaes pa tolos gustos y les formes físiques. Los recursos son cuasi inabarcables.

Tanto como la mesma naturaleza asturiana. Una rede tupida de senderos de percorríu grande y pequeñu (GR y PR, nes sos sigles en castellanu) traviesen les Reserves de la Biosfera de la UNESCO, el parque nacional, y los parques y monumentos naturales, amás de la mariña. Los ríos, pequeños





Baxada de cañones



Valgrande-Payares (Lleno)

pero caudalosos, son perversátiles y disponen d'una xestión cuidada que combina la preservación del ecosistema coles actividaes deportives. El perfil arispiu de Los Picos d'Europa ye un reclamu pa escaladores y amantes del trekking. El desnivel de les carreteres de monte atrapa a ciclistes esforciaos, igual qu'unas vías verdes mui cuidaes. Los picos, pel iviernu, a los esquiadores. L'agua del Cantábricu ye l'abellugu ideal pa los amantes de les disciplines náutiques.

*Toos estos escenarios abren un mundu de posibilidaes. Los aficionaos al senderismu disponen de rutes con distintos niveles d'esixencia.*

De los trazaos de Los Picos d'Europa a les rutes de Redes, foces como la de Las Xanas, o los caminos d'accusu a saltos d'agua. Ye posible emular a los grandes escaladores del ciclismu nescenarios de Ileenda, como l'Angliru y Los Llagos, entamar por llibre salés sobre dos ruedes o seguir itinerarios trazaos, como l'aniyu ciclista del Monte Central. Nun fai falta una forma física especial, namás un poco d'habilidá y bona disposición, pa baxar en canoa ríos como'l Navia, Nalón,



Sienda del Osu en bicicleta (Proaza)



Vistes d'El Picu Urriellu – P.N. Los Picos d'Europa



## L'imán de los escaladores

Pedro Pidal y Gregorio Pérez, *El Caineju*, foron los primeros en xubir El Picu Urriellu, el monte hipnóticu qu'a una hora determinada del día, gracies a la lluz del sol, echa reflexos anaranxados. Yera'l 5 d'agostu de 1904 y taben faciendo historia. Abrieron una de les vías más abegoses con un material rudimentario y demostraron el bon resultáu de xuntar los conocimientos técnicos d'un noble y estudiósu —Pidal yera xurista y marqués de Villaviciosa— y la intuición d'un guía del llugar, *El Caineju*, que fixo bona parte de la xubida descalzu. L'Urriellu convirtióse n'imán internacional.

Cares o Sella, ente otros. Nesos calces ye posible bañase en poces como la Olla de San Vicente o practicar baxada de barrancos y cañones.

La pesca salmonera tien una división esquisita en zones llibres y cotos, axudicaos por sortéu al empezar la temporada ente los practicantes federaos.

El cazadores de foles tienen el so sitiu. El surf ta presente nes playes más abiertes del Cantábricu: Tapia, Salinas, Rodiles o Xixón, son dellos exemplos. Otres tables, les del esquí y el snowboard, tamién son bienveníes. Disfruta de les dos estaciones públiques asturianes, Valgrande-

Payares y Fuentes, con una rede amplia de recursos complementarios, con rutes en barayones o esquí de fondu.

Existe una uiferta abondosa de turismu activu. Namás hai que decidir ente facer una ruta a caballu, tirase en parapente, convertise nun espeleólogu que percurre'l paraísu soterraño, guiar un quad per caminos rurales, esnalar n'ultrallixeru...



**Más información en:**  
[turismoasturias.es/TurismoActivo](http://turismoasturias.es/TurismoActivo)

## Esperiencies a la so midida



Ruta del Cares


### SENDERISMU:

**Ruta del Cares.** Crucia un beyu espectacular que se returece enriba del calce del ríu Cares y que consta de cueves, siendes de piedra y pontes. Tien un llárgor de 12 quilómetros en llinia recta, 24 quilómetros en dir y volver.

**Les Foces del Llaímu.** Ye una sienda llinial, nel corazón del parque de Redes, ensin malpenes desniveles y de 14 quilómetros, incluyío dir y volver.

**Ruta d'A Seimeira.** Trazáu llinial de 8,6 quilómetros, con salida en Santalla y non demasiao esixente, que tien de recompensa final un saltu d'agua refrescante d'unos 20 metros.

Baxada en canoa del Nalón



### DEPORTES ACUÁTICOS:

**Ruta del Cares.** Crucia un beyu espectacular que se returece enriba del calce del ríu Cares y que consta de cueves, siendes de piedra y pontes. Tien un llárgor de 12 quilómetros en llinia recta, 24 quilómetros en dir y volver.

**Les Foces del Llaímu.** Ye una sienda llinial, nel corazón del parque de Redes, ensin malpenes desniveles y de 14 quilómetros, incluyío dir y volver.

**Ruta d'A Seimeira.** Trazáu llinial de 8,6 quilómetros, con salida en Santalla y non demasiao esixente, que tien de recompensa final un saltu d'agua refrescante d'unos 20 metros.

## Pa entender Asturias, ye menester conocer la so gastronomía

Los sos productos, les sos recetes, el maridaxe perfectu de la so békora. Esti territoriu verde bañáu pol Cantábricu ye una despensa natural de mariscu, pescáu fresco, carne, verdura y lácteos.



Fabada

# Piensa col estómagu

#SaborguiaAsturies

La flota lleva a tierra el mejor pescáu. Les ganaderíes abondoses son la base necesaria pa facer quesu. La estructura de güertinos y tierres ye'l suministrador principal de fruta y verdura y de la materia prima pa la sidra o'l vinu. La industria agroalimentaria entemez innovación y tradición nos sos procesos d'ellaboración.

*Un viaxe nunca va tar completu ensin sentase a una mesa y saborguiar una fabada, un cachopu, una llonganiza d'Avilés, una merluza del pinchu o unes cebolles rellenes.*

Tampoco si nun se preba un arroz con lleche, unos frixuelos o unes marañueles, les de Lluanco o les de Candás, les dos localidaes que disputen la orixinalidá de la receta.

La calidá de la materia prima ta reconocida con munches figures. Seis productos del Principáu tienen el sellu de Denominación d'Orixe Protexida (DOP): la Sidra, Vinu y el quesu Cabrales, Gamonéu, Casín y Afuega'l Pitu. Con



Quesu Cabrales



## Visita una cueva de Cabrales

Dellos productores abren les sos cueves pa conocer en primer persona los espacios onde cural famosu quesu de Cabrales. La Fundación Cabrales, nel pueblu d'Arenas, ufierta al viaxeru una visita guiada de 40 minutos estremada en dos partes. La primera entra na cueva y pasa ente les pieces mentes cunten de forma detalla tol procesu d'ellaboración, dende la recogida de la lleche al momentu en que se decide cuándo ta fecho. La segunda consta d'un audiovisual que completa la información.

Indicación Xeográfica Protexida (IXP) tán tamién la Xata Asturiana, el Choscu de Tinéu, el quesu de Los Beyos, la Faba Asturiana y la Miel d'Asturies. Existen otros alimentos de mucha calidá con certificáu de producción ecoloxica qu'abarquen una selección de verdura, llegumes, el gochu asturcelta, la oveya xalda y tamién ellaboraos como los yogures, el pan o la mermelada.



"Sidrerías d'Asturies" – Calidá Natural

Sabedor de la importancia de toos estos productos, el Principáu desenvolvió la marca de garantía llamada Alimentos del Paraísu Natural, que va poder incluir dende productos frescos, como carne, pescáu, fruta o miel, a otros ellaboraos, como'l quesu, les conserves o los platos preparaos. El requisitu imprescindible pa toos ye la calidá, de la materia prima y del procesu d'ellaboración, en casu de que lu haya. Hasta'l momentu, lleven esti sellu los arándanos, los quivis, el miel, el quesu de cabra, el repollu relleno y los *carajitos*.


De la tradición son guardianes les guisanderes, un club de cocineros y propietaries de restaurantes que curien y afalaguen la cocina tradicional asturiana. La otra cara de la escelencia represéntenla los cocineros Michelin,

*El Principáu creó, amás, marques de calidá al traviés de les que pue conectase con un océanu de sabores.*  
*"Meses d'Asturies" – Escelencia Gastronómica- lleva años de rodaxe. Más recién ye "Sidrerías d'Asturies" – Calidá Natural-, en fase d'espansión.*

qu'anovaron dende la base la cocina asturiana.  
 Col brazu espurrío escontra'l techu, dende una botella verde, arrama'l líquidu nel cantu d'un vasu anchu de cristal, mentes les chiscadures mueyen un calderu. La escena protagonízala un echador que ta poniendo sidra, la békora asturiana por escelencia. Nun se trata d'una representación etnográfica. Ye un xestu que se repite a diario en cada sidrería. La sidra ye parte fundamental de la gastronomía y la cultura. Pa entendelo, non solo hai que lo probar. Ye menester vivir el procesu completu, dende la escoyeta de la mazana na pumarada al procesu de formentadura y la fiesta que s'entama pa la primer preba, que se llama espicha. Cada vez prográmense más esperiencias singulares que dexen sentir hasta'l golor y l'ambiente del llagar. A partir de la recta final de la primavera, ye fácil atopar dalgún concursu de productores



Quesu y sidra



Gastronomía asturiana

o d'echadores. Ente los más prestixosos, tán los de Nava, Villaviciosa y Xixón.

Pa los que quieren más el vinu, el suroccidente ye'l so sitiu, col vinu DOP Cangas. El paisaxe atópase chiscáu de bancaes de viñes fondiaes nos montes. La fundación del Monasteriu de Courias nel 1032 valió pa impulsar la producción vinícola. Agora mesmo, vive una mocedá nueva de la mano d'una asociación de productores y ellaboradores que llogró'l sellu DOP El Festival de la Vendimia, na seronda, ye un bon momentu pa prebalu.

En tables de degustación, en crema como acompañamiento de carne o como postre acompañao por un dulce artesano: dicen d'Asturias que ye la mayor zona quesera d'Europa. Tamién la llamen la tierra de los más de 50 quesos artesanos, lo más d'ello madurecio en cueves y cabañas. Lo más conocío ye lo de Cabrales, curao nes cueves de Los Picos d'Europa y cola Denominación d'Orixé dende 1981. Ye bono d'atopar en mercaos de tol mundu, de Nueva York a París. Diba ser quasi un delitu refugiar una preba de cualquiera de les variedaes.



Vinu D.O.P. Cangas

*Tan arguyosos tán los asturianos de la so gastronomía, de les sos recetes y alimentos que-yos entamen fiestes a lo llargo del añu.*

El calendariu de festivales, certámenes, xornaes, concursos, feries y puyes ye cuasiamente inabarcable. Les feches actualizaes puen consultase na axenda d'eventos de la web oficial de Turismu d'Asturias.



Más información en:  
[turismoasturias.es/SaboreaAsturias](http://turismoasturias.es/SaboreaAsturias)

Echando sidra



## Conseyos pa echar un culete

Poner una postura cómoda, col llombu derechu y les piernes abiertes al altor de los costazos. Garra la botella cola mano derecha, de forma firme, a partir de la base. Garra'l vasu cola mano esquierda, colos deos gordu y índiz alredor del cristal y el corazón per debaxo. Espurríl brazu cola botella, derechu, percima de la cabeza, col bocal per delantre de la frente. Asitia'l vasu xusto ente les piernes y, mirando en tientes pa él, empieza a empinar la botella adulces, controlando'l pesu, hasta qu'el líquidu caiga nel cantu del vasu. Muevíl vasu escontra'l chorru de sidra. Échase una cantidá abondo pa beber d'una posa, un culete.



## Nun lo pierdas...

- Muséu de la Sidra y visita con preba a un llagar.
- Muséu del Vinu y visita con preba a una bodega del vinu DOP Cangas.
- Cueva-esposición del quesu Cabrales y visita con degustación a una quesería.
- Puya en vivo nuna rula de marineros.
- Nun dexes de prebar: fabada, cebolles rellenes de bonitu, arroz con lleche, casadielles, cachopu, merluza o pixín a la sidra, pote asturianu, arroz con pitu caleya, xata o cabritu asao.
- Saborguia los nuestros manxaes en: Meses d'Asturias -Escelencia Gastronómica- y "Sidrerías d'Asturias" -Calidá Natural-.

Formen enriba'l mapa un triángulu quasi equilátero. Son el corazón cosmopolita d'una rexón de munches aristes que, a pesar del so apegu pola tradición y la naturaleza, nun arrenuncia al so calter modernu.

Avilés, Xixón y Uviéu son les trés ciudaes d'Asturies, con trés histories y trés calteres. Les trés tán perbién comunicaes, en malpenes media hora, asina que puen combinase faciendo los desplazamientos en coche, autobús o tren.



# Llati col corazón urbanu

#AsturiasUrbana



## Nun lo pierdas...

- Avilés y la so cai porticada: Galiana.
- Centru Niemeyer n'Avilés.
- El barriu de marineros de Xixón: Cimavilla.
- La Llaboral Ciudá de la Cultura, en Xixón.
- Cámara Santa y la Catedral n'Uviéu.
- Mercáu El Fontán n'Uviéu.

Anque hai pruebas inclusive d'asentamientos prehistóricos, Avilés ye una urbe d'orixe medieval, llatente nel so cascu históricu, pintorescu y bien conserváu. Con un pasáu y un presente industrial del quentá son testigos les maxestoses chimenees y el puertu, trata de conxugar esi heriedu cola rehabilitación urbanística y la so vocación cultural.

*En plena ría álzase una isla blanca fascinante,  
chiscada d'un conxuntu de cinco pieces  
arquitectóniques obra del brasileñu Oscar  
Niemeyer.*

La cultura d'Avilés non solo se soñita nesti centru cultural tan abducante. A lo llargo del añu, programa cites punteres, como una programación variada d'estrenos teatrales. Trior la piedra de Galiana, pasiar per Sabugo y facer posa nel parque Ferrera son dalgunos de los placeres que guarda pal viaxeru.

Centru Niemeyer (Avilés)




Xixón convirtióse nuna ciudá moderna y inquieta, en gran midida como resultáu d'una historia abierta al mar, con un puertu d'una actividá económica importante.

*Los sos vestixos romanos son otra cara del so pasáu, igual que la so contribución arguyosa a la Ilustración de la mano de Gaspar Melchor de Xovellanos.*

Si la incursión per Xixón coincide cola segunda quincena de payares, va ser posible disfrutar del programa tan ampliu del Festival Internacional de Cine. En xunetu celébrase la Selmana Negra, un certame de novela de crímenes consolidáu nes sos quasi trés décades de rodaxe. Nun da más qué parte del añu seya, ye obligao perdese pel bohemiu barriu de marineros de Cimavilla y per La Ruta, ensin escaecer la rodiada rural colos sos llagares imprescindibles.

Namás llegar a Uviéu descúbrese una urbe clásica y señororial, l'escenariu descritu por Leopoldo Alas Clarín en *La Regenta*, un modelu de ciudá andadera qu'imitaron otres munches. El cascu vieyu, de cuentu, ta presidíu pola Catedral, con una Cámara Santa onde se guarden ayalgues de la dómina d'Alfonso II El Castu, rei d'Asturias.

Centru d'Uviéu



Puerto Deportivo de Xixón

*Esi reinu ye agora'l de los Premios Princesa d'Asturies, que pela so alfombra desfilaron los estadistes, científicos y artistes más prestixosos del mundu.*

La historiadora clásica Mary Beard publicó en *The Times* un artículu onde comparaba la so visita a Uviéu pa los gallardones del 2016 col “novenu cielu”. La capital del Principáu ye tamién la so sede alministrativa y con una exa comercial bullindiega, de la que sobresalen edificios singulares de gran valor arquitectónico.

Les trés ciudaes son tamién sede habitual de congresos y turismu de negocios, con trés organismos que trabayen pa la so captación y con edificios singulares. Enriba l'horizonte d'Uviéu destaque el so palaciu de Congresos, de Santiago Calatrava, y l'Auditorio Príncipe Felipe. Xixón tien el mayor recintu feriai de la rexón, conocíu como Luis Adaro, y la impresionante Llaboral Ciudá de la Cultura, amás d'otros equipamientos urbanos. Avilés dispón del Niemeyer como buque insignia, amás del recintu feriai de La Madalena y la Casa de la Cultura.



Más información en:  
[turismoasturias.es/AsturiasUrbana](http://turismoasturias.es/AsturiasUrbana)

## Trés rutes d'un día



**Xixón: Moderno y cosmopolita.**

Percuerri'l frente d'una ciudá entornada pa la mar. Del Acuario al puertu deportivu, pasando pel barriu pintorescu de Cimavilla, la playa averada de San Llorienzo, col so Muru, y el paséu hasta El Rinconín, presidíu pola espectacular escultura *La madre del emigrante*, que l'inxeniu popular rebautizó como *La Lloca del Rinconín*. Conectaos con tresporte urbanu tán otros dos imprescindibles, Llaboral Ciudá de la Cultura y el Xardín Botánicu Atlánticu. Merca nes tiendines del centru, nos alredores de la plaza del Conceyu.



**Mercáu d'El Fontán (Uviéu)**

**Avilés: La xoya menos conocida.**

El Centru Niemeyer ye'l mejor puntu de partida pa una incursión per Avilés. Plasma cola orixinalidá del so diseñu y cola singularidá del so allugamientu, ente les grandes industries y el puertu, comunicáu cola ciudá al traviés d'una ponte colorista. De la plaza d'España xubi a la cai Galiana, afinsada d'arcos, que caltién el suelu orixinal, qu'estrema la zona pela qu'andaben el ganáu y los sos amos. Alienda'l golor fondo a naturaleza del parque Ferrera, toma vinu y llonganiza n'El Carbayedo, esvia pal parque d'El Muelle y entra en Sabugo, onde vas alcontrar sidrerías escelentes y una escoyeta del comerciu pequeñu local.



**Llaboral Ciudá de la Cultura (Xixón)**

**Uviéu: Un paséu señorial.**

Viaxa pela historia nel cascu vieyu d'Uviéu, de la Catedral y la Cámara Santa a los Museos de Belles Artes y Arqueolóxicu d'Asturies y el mercáu d'El Fontán, nun paséu inolvidable per una contorna peatonal. Crucia la exa comercial de la cai Uría y déxate seducir pol encantu del pulmón verde de la ciudá: El Campo San Francisco. A non mucha distancia del centru, nel monte Naranco, vas ver en Santa María y San Miguel de Lliño dos referentes únicos del Prerrománicu.

Nun pues marchar de la ciudá ensin prebar los sos dulces típicos, como los deliciosos carbayones y les moscovites, ensin descubrir cerca la Ruta del Vinu y el bullindiegu Bulevar de la Sidra en La Gascona.

Seduzcen les personnes, los paisaxes abluquen y les artes tradicionales plasmen. La hospitalidá envizca y la calidá cautiva. Asturies ye l'aniciu del turismu rural español, una forma de viaxar que funde los raigaños na autenticidá de los pueblos.

El Paraíso Natural, l'eslogan qu'acompaña al Principáu dende va más de trés décades, nun diba ser a entendese ensin el cuidáu de los vezos, ensin l'amor pol mediu ambiente y el calter arrogante, sociable y noble de los asturianos, los mejores guíes de la so propia tierra. El viaxeru atopa mundos nuevos y convíértese nun militante más d'esas forma d'entender la vida. Lescenariu ye perfectu: una orografía ondulante que tresviente guapura, pueblos singulares en cada vuelta del camín y una naturaleza ideal pa la práctica de deportes y actividaes al aire llibre.



Banduxu (Proaza)

# Alienda Asturias

#AsturiasRural

Aquel turismu rural pioneru nos años 80 xeneralizóse col cambéu de sieglu. Dispón d'una rede completa d'agospedamientos, dende albergues a hoteles y cases. El Principáu cuenta con dos marques de calidá bien identificables, "Casones Asturianes", pa los hoteles con encantu y arquitectura singular, y "Aldees"-Asturias Calidá Rural-, pa cases d'aldea y apartamentos rurales, un referente con estancies inolvidables.



Club de Calidá "Casones Asturianes"



Horru en Cadavéu (Valdés)



## Nun lo pierdas...

- Taramundi y el so Conxuntu Etnográficu d'Os Teixóis.
- Muséu etnográficu de Grandas de Salime.
- Un paséu peles brañes de Somiedu colos sos teitos tan emblemáticos.
- Conxuntu d'horros de Güeñu (La Ribera).
- Les Mayaes de los Picos d'Europa.
- Agospedamientos rurales con encantu: Club de Calidá "Casones Asturianes" y "Aldees"-Asturias Calidá Rural-.



## El corte aceráu de Taramundi y Os Ozcos

Los maestros cuchelleros entá forxen les navayes tan prestixoses de Taramundi y Os Ozcos. El Muséu de la Cuchellería supón un primer averamiento, igual que la visita a espacios singulares d'etnografía y ixnenios hidráulicos únicos n'España. Muchos artesanos abren les puertes a los visitantes pa que conozcan de primer mano en qué consiste'l so llabor.

## Una boda ensin invitación

La Vaqueirada d'Aristébanu ye una fiesta y una boda tradicional multitudinaria que recuerda la vida y los vezos de los vaqueiros, un grupu social dedicáu a la treshumancia. Los novios lleguen nuna comitiva, vistíos con traxes tradicionales y precedíos por un carru del país onde viaxa l'axuar. Tres de la ceremonia, celébrase una comida popular.



Celebración boda vaquera (Valdés y Tinéu)

Museos y centros etnográficos conviértense nun mediu perfectu pa empezar a conocer la esencia d'Asturias, que tamién ta viva nos sos pueblos, na xente que s'esfuerzia por caltener los oficios tradicionales, na actividá ganadera y agropecuaria ensin la que nun se diba poder entender la economía del territoriu. Desa rede de colecciones remanecen el Muséu del Pueblo d'Asturias (Xixón), el Muséu Etnográfico de Grandas de Salime, el Muséu Etnográfico del Oriente d'Asturias (Llanes), l'Ecomuséu Etnográfico de Somiedu (Somiedu), el Conxuntu Etnográfico d'El Mazonovo (Santalla d'Ozcos), el Muséu Vaqueiru (MUVAS) (Tinéu), el Muséu




La Descarga (Cangas del Narcea)

## Vete de romería

Una de les acepciones de fiesta n'asturianu ('fuerga, xuntanza de personas pa pasalo bien) tamién se conoz como folixa. Tan enraigonáu como'l téminu tán la diversión y les tradiciones n'Asturies, que tien una llista amplia de Fiestes d'Interés Turístico. Na descarga de Cangas, coincidiendo col Carme nel mes de xunetu, tonelaes de pólvora faen retremblar el suroccidente. Los Güevos Pintos de La Pola Siero celébrense al otru martes depués de Selmana Santa. Neños y artistes locales decoren y ponen a la venta güevos de tollos tamaños con dibuxos más o menos tradicionales. La Fiesta del Pastor tien orixe ganaderu. Cada 25 de xunetu, los deportes tradicionales y la romería llenen la redolada de Los Llagos. N'agostu, Lluarca escríbese con T, la lletra de San Timoteo.

Etnográfico de Quirós y Contorna (Quirós), el Muséu de la Escuela Rural (Cabranes), el Muséu de la Madera y de l'Apicultura (Casu) y el Muséu Etnográfico de Grau (Grau).

Otra fórmula más escitante ye participar en dalguna de les fiestes d'interés turístico que se celebren a lo llargo del añu. Hai gastronómiques, deportivas, culturales, relaxoses, lligaes a l'agroganadería y dalgunes que recreen episodios históricos. La llista completa, que dexa dir de celebración en celebración tol añu, ta recogida na páxina web oficial de Turismu d'Asturias.



Hotel La Rectoral (Taramundi)

*Dos construcciones reconocibles namás veles, parte imprescindible del campu, son los horros y les paneres.*

Estos graneros tradicionales llevantaos enriba de pegollos non solo son útiles pa los asturianos y llamativos pal viaxeru. Pasiar ente ellos ye posible n'Espinaréu (Piloña), un pueblu con ún de los conxuntos d'horros y paneres mejor conservaos. Chisquen el paisaxe d'oriente a occidente, pero tamén puen investigase les sos variedaes y les sos talles y trazar una ruta en busca de los más interesantes.

L'ecoturismu y lagroturismu son dos tendencies na experiencia rural. Agospedamientos que compaxinen l'actividá turística cola cría ganadera o cola ellaboración de productos tradicionales, establecimientos sostenibles y respetuosos cola contorna son opciones novedoses.

¿Atréveste?



Más información en:  
[turismoasturias.es/TurismoRural](http://turismoasturias.es/TurismoRural)

## El trubiecu del turismu rural

Taramundi ye una Fuenteovejuna del turismu. Nesti conceyín del occidente, trubiecu d'artesanos de la cuchellería, el pan d'escanda, los telares y el cuero, nació'l turismu rural español va más de 30 años. La so xente, de la mano de les administraciones y los empresarios, supieron convertir una economía de subsistencia y unos pueblos en cantu del abandonu nun polu d'atracción pal viaxeru que disfruta cola autenticidá. La rehabilitación de la casa rectoral vieya nun agospedamiento esclusivu foi namás el primer pasu. Al so alredor desenvolvióse toa una economía de recursos, rellanzáronse oficios y diose vida a comunidaes hasta entós malpenes ensin espectaculares que ye exemplu en tol mundu. Tien que se visitar Taramundi cola mente abierta, recordando'l so pasáu y disfrutando del so presente.



Faciendol balagar

Los itinerarios del Norte del Camín de Santiago, que confluyen nel Principáu y que tienen Uviéu como corazón, calificáronse pola UNESCO como Patrimoniu de la Humanidá. La rexón conta, en realidá, con cinco distintos, caún colu so guapura y singularidá. Eses Rutes Xacobeos disponen d'una rede d'albergues modernizada, acordies colos pelegrinos del sieglu XXI, la cuenta pal reposu depués de que les piernes sumaren quilómetros y depués de disfrutar de l'acoyida candal de los asturianos, l'arquitectura pintoresca y la gastronomía tan rica.

La historia, la espiritualidá y el paisanaxe tán garantizaos escuéyase'l trazáu que s'escueya.





Camín Primitivu

# Anda camín del pasáu

#CaminDeSantiago

#CaminNorte #CaminPrimitivu

Los dos itinerarios principales son el de la Costa, que ye'l que parte d'Irún (País Vascu) y va en paralelo al Cantábricu; y el Primitivu, que según cuenta la lleenda ye'l que siguió Alfonso II na primer pelegrinación, naz n'Uviéu y entra en Galicia pel Suroccidente asturianu.

El de la Costa consta de 284,1 quilómetros, estremaos n'onze etapes asturianes que malpenes se desapieguen de la mar. Traviesa pontes medievales, playes, ciudaes, hospitales vieyos de pelegrinos. Asina pue atopase la ilesia de Santa María del Conceyu (Llanes), la ilesia de San Salvador y el monasteriu de Santa María la Real de Valdediós o los templos de San Salvador de Priesca y San Xuan d'Amandi,

toos en Villaviciosa; el Parque Arqueolóxicu Natural de La Campa Torres y la necrópolis tumular d'El Monte Areo entre Xixón y Carreño, el cascu históricu d'Avilés, el castiellu de Gauzón, en Castrillón; la ilesia de Santa María de Souto Lluiña y La Quinta Selgas, en Cuideiru.

El Primitivu reparte en nueve tramos los 148,6 quilómetros de paisaxe rural y de monte. Puen siguisse variantes, o escoyer el trazáu orixinal d'Hospitales, ente Tinéu y Ayande, que, como'l so propiu nome indica, tien cinco hospitales vieyos de pelegrinos y considérase'l percorríu orixinal.

## El primer pelegrín

El rei Alfonso II d'Asturies, conocíu como El Castu, ta consideráu'l primer pelegrín a Santiago. ¿Lleenda o historia? Cunta la tradición que baxó'l so reináu afayóse la tumba del apóstol y quel rei en persona echóse al camín pa comprobar si yera verdá. El so percorríu ye l'itinerariu conocíu como'l Camín Primitivu. Hai un dichu popular que trata de reafirmar esta versión. Dizse que "quien va a Santiago y non a San Salvador —la Catedral d'Uviéu—, visita al criáu pero non al señor".


*Nada mejor qu'empezar na  
Catedral de San Salvador d'Uviéu  
y aprovechar pa adientrase nel  
prerrománicu asturianu con Santa  
María de Naranco y San Miguel  
de Lliño.*

Contemplar les pontes de Gallegos, en Les Regueres, o de Peñaflor, en Grau. Nesti mesmu conceyu ta la capiya de Los Dolores. Descubri la colexata de Santa María la Mayor de Salas y el monasteriu de Santa María la Real d'Oubona, asitiáu en Tinéu. N'Ayande tán el palaciu de Cienfuegos y la ilesia parroquial de Santa María de Berducedo. Cruciar un puertu tan esixente como'l d'El Palu o conocer la lleenda del diañu que bautizó los pueblos de Salime o Susalime, güei tapaos debaxo del agua de la xigantesca presa con saltu hidráulicu de Grandas de Salime, son dos alicientes más.

El Camín sigue per tierres gallegues hasta Santiago de Compostela.



Santa María la Real d'Oubona (Tinéu)



Catedral de San Salvador (Uviéu)



Camín de Santiago (Ayande)

## Más qu'una travesía

El Camín de Santiago ye más qu'una ruta. Ye esi pelegrín col que se comparte etapa o'l vecín que brinda un vasu d'agua refrescante cuando más se precisa. Pero hai auténtiques xoyes de l'arquitectura escondíes en pueblos que quiciabes nun vas atopar si nun amarres unes botes y cuelgues una mochila al llombu. El monasteriu de Valdediós, o'l de Santa María n'Oubona, son namás dos exemplos. Cruciar la Ría del Eo en lancha, dende As Figueiras o Castropol, como se facía n'otros sieglos, cuando escasiaben les pontes, imprime un plus.

Los otros dos itinerarios son, en realidá, conexones ente'l Cantábricu y el Primitivu y ente'l Francés y el Primitivu. L'enllaz del Francés col Primitivu sal de Llión, entra per Asturies al travies de Payares, travesando paisaxes impresionantes del cordal, cola visita inescusable a la ilesia prerrománica de Santa Cristina de Llена, y estrémase en trés etapes (54,5 quilómetros) primero d'algamar Uviéu. El de la Costa y el Primitivu xúntense dende Villaviciosa escontra l'interior al travies de Sariegu, visitando la ilesia de Santiago; y Siero, en dos etapas de 39 quilómetros en total.

## *El Principáu puede ser parte d'un percorríu más ampliu o un puntu de partida.*

que se va dir sellando etapa a etapa y que va dexar conseguir la Compostela, a la fin del percorríu, yá en Santiago. La planificación previa ye importante. Amás d'organizar les etapes, existen un montón de servicios bien útiles pa tener en cuenta. La Comarca de la Sidra ufiertal Pase del Pelegrín, qu'incluye agospedamiento a un preciu módicu, con un detalle de bienvenida y hasta'l treslláu si ta a más de 500 metros del camín. Pelegrinando per Asturies d'hotel n'hotel ye otra alternativa con servicios especiales pa

los pelegrinos, como masaxes, llavandería esprés o guarda de bicicletes, cola que se puen axuntar puntos y consiguir nueches gratis. Otros servicios interesantes son una visita cultural y teatralizada guiada pel orixe del primer Camín de Santiago o un saltu tecnolóxicu con una aplicación móvil gratuita, que t'empón por GPS y que contién información de les etapes, la xeolocalización de los agospedamientos, restaurantes y hasta fisioterapeutes y los finxos arquitectónicos y culturales. Correos tamién tien un serviciu especial, con trés modalidaes, el tresporte del equipaxe ente etapes, l'unviu a casa de ropa o compres y ún especial de bicicletes.



*Más información en:*  
[turismoasturias.es/  
CaminoDeSantiago](http://turismoasturias.es/CaminoDeSantiago)



## Nun lo pierdas...

- El Salvador na Catedral d'Uviéu.
- Monasteriu de San Salvador de Corniana (Salas).
- Colexata de Salas.
- Monasteriu de Santa María la Real d'Oubona (Tinéu).
- Palaciu de Cienfuegos (Ayande).
- Castru d'El Chao Samartín (Grandas de Salime).



# Información práctica

## ¿Cuándo viajar a Asturias?

El clima prestosu d'Asturias conviértela nun destín atractivu los 365 días del añu, ensin temperatura estremo en nenguna de les estaciones. Ye posible disfrutar de les sos playes pel branu y de les estaciones d'esquí en plenu iviernu, o aprovechar la primavera y la seronda pa completar rutes de monte y actividaes de turismu activu como la baxada de ríos en piragua. L'axenda cultural tan intensa, la nómina tan amplia de fiestes d'interés turístico y la proliferación de certámenes gastronómicos lligaos a la cocina de temporada enllenar toles selmanes del añu.

## Clima

Asturies rexistra un clima de tipu oceánicu, caracterizáu por temperatura suave, tanto de parte branu como iviernu, y precipitaciones repartíes a lo llargo l'añu. La orografía asturiana tan variada dexa estremar muchos microclimes distintos en pocos quilómetros de distancia. Puen axuntase en cuatro principales: el de la franxa mariñana, mui influyíu pola mar; el de la zona suroeste, más continental; el del área

central, oceánicu pero ensin la influencia marina; y el del cordal cantábricu, clima de monte con nevaes frecuentes nel iviernu. La temperatura medio rexistra la variación estacional típica, con máximes nel branu, mentes que coles precipitaciones asocede al revés: son menores nel branu y aumenten sobre manera na seronda.

Pumarés en flor na Comarca de la Sidra



### Primavera

La temperatura medio ye de 15 graos, variando ente 10 y 20 graos de la que pasa'l día.

Playa de Xagón (Gozón)



### Branu

La media xeneral asítase alredor de los 20 graos, pudiendo algamar puntualmente los 30 graos.

Parque Natural de Ponga



### Seronda

Ye perpaecida a la primavera. La temperatura va baxando hasta quedar ente los 10-15 graos.

Bulnes (Cabrales)



### Iviernu

Nos pueblos de monte podemos atopar temperatura baxo cero, pero nes zones de cotes más averaes a la mar la temperatura anda pelos 5-10 graos.



## Teléfonos d'utilidá

### EMERXENCIAS: 112

El Sistema Emerxencies 112 ye un serviciu públicu y gratuitu, qu'atiende llamaes telefóniques de forma permanente, pa **cualquier situación d'urxencia y emergencia** en materia sanitaria, estinción de quemes y salvamentu, seguranza ciudadana y protección civil.

Los teléfonos 900 y dellos teléfonos d'emergencia son gratuitos.

### Policía Nacional

091

### Policía Local

092

### Guardia Civil

062

### Emerxencias Sanitaries

061

### Bomberos

080

### Información Dirección Xeneral de Tráfico (DXT) – Ayuda en Carretera

900 123 505

# Cómo llegar, tresportes

## Carretera

Les vías de comunicación principales per carretera d'Asturias son:

**A-66:** Autovía de la plata. Accesu a Asturias dende la meseta al traviés d'una autopista de pagu.

**N-630:** Accesu a Asturias dende la meseta al traviés d'El Puerto Payares.

**A-8:** Autovía del Cantábricu: Esta autovía xunta Asturias d'oeste a leste.

**N-634 y N-632:** Carretera nacional, percuerte Asturias d'oeste a leste.

**AS-I:** Conocida como "Autovía Minera", xunta la localidá de Mieres del Camín con Xixón, travesando los valles mineros.

**AS-II:** Conocida como "Autovía Industrial", xunta Uviéu y Xixón.

**A-63 y AS-15:** Va dende Uviéu al Occidente/Suroccidente d'Asturias.

**Autopista Y:** Tramu que xunta les trés ciudaes principales d'Asturias: Uviéu, Xixón y Avilés.



## Avión

L'aeropuertu ta asitiáu a 14 km d'Avilés, 40 km de Xixón y 47 km d'Uviéu.

Información AENA: 902 404 704

## Autobuses

Asturias tien una rede importante d'infraestructures viaries que faciliten la llegada de los viaxeros usando esti mediu de tresporte, amás de terminales grandes y completas nes ciudaes, y estaciones nes villes pa los servicios de proximidá.

**Estación d'Autobuses d'Uviéu:**  
902 499 949 / 985 969 696 / 985 969 678

**Estación d'Autobuses de Xixón:**  
902 342 711 / 985 342 713

**Estación d'Autobuses d'Avilés:**  
985 561 277

## Tren

RENFE, empresa de servicios de tresportes ferroviarios de viaxeros y mercancíes, conecta Asturias col restu de ciudaes españoles y europees. Tamién dexa movese cómodamente pela rexón coles llinies que comuniquen toles ciudaes.

Información y Reserves RENFE–Nacional: 902 240 202

Información y Reserves RENFE–Internacional: 902 243 402

**Trenes con encantu:** Trescantábricu (tren turístico con percorríu per Asturias, <http://www.renfe.com/trenesturisticos/>)



## Barcu

Los cruceros que lleguen a Asturias faénlo al puertu d'El Musel, allugáu a seis quilómetros del centru urbanu de la ciudá de Xixón; o al puertu d'Avilés, asitiáu na ría que baña la ciudá.

Puertu de Xixón: 985 179 600

Puertu d'Avilés: 985 541 111

## Puertos deportivos d'Asturias

Les embarcaciones de recreo tamién cunten con 20 puertos qu'ufierten dellos servicios pa caleyar y disfrutar d'Asturias y los sos pueblos marineros.

Puertu deportivu de Xixón: 985 344 543

Puertu deportivu d'Avilés: 985 525 115



Más información en:  
[turismoasturias.es/planifica-tu-viaje](http://turismoasturias.es/planifica-tu-viaje)



## Dormir

Asturies dispón d'una variedá amplia d'agospedamientos, acordies cola riqueza de la so uiferta turística y cola esixencia de los sos veceros. Dende hoteles urbanos de distintes categoríes a los hoteles rurales, hostales y pensiones, pasando per viviendes vacacionales, apartamentos turísticos y campings, con parceles y bungalós... Les posibilidaes multiplíquense cuasi hasta l'infinitu. Pue combinase'l confort d'un cuartu d'hotel cola llibertá que da una casa d'aldea d'arriendu completu o'l contactu cola naturaleza d'un camping. Les marques de calidá "Casones Asturianes" y "Aldees" —Asturies Calidá Rural— son tamién un referente. Tola información sobre los establecimientos pa dormir n'Asturias ta disponible na páxina oficial de Turismu d'Asturias.

### Más información:

[turismoasturias.es/organiza-tu-viaje/donde-dormir](http://turismoasturias.es/organiza-tu-viaje/donde-dormir)  
[casonasturianas.com](http://casonasturianas.com)  
[aldeasasturias.com](http://aldeasasturias.com)

## Díes Festivos autonómicos y nacionales

### Festivos autonómicos.

Día d'Asturias, 8 de setiembre

### Festivos nacionales.

Añu Nuevu, 1 de xineru  
Fiesta del trabayu, 1 de mayu  
Asunción de la Virxe, 15 d'agostu  
Fiesta nacional d'España, 12 d'ochobre  
Tolos Santos, 1 de payares  
Día de la Constitución Española, 6 d'avientu  
La Inmaculada Concepción, 8 d'avientu  
Natividá del Señor, 25 d'avientu

**Xueves y Viernes Santu.** La Selmana Santa celébrase cada añu en feches distintes, porque se basa nos ciclos llunares.

Si un festivu cai en domingo, la Comunidá Autónoma pue decidir treslladalu al llunes siguiente.



## Comer

Les sidreríes son los establecimientos típicos pa prebar la békora tradicional asturiana, la sidra, pero tamién son una bona alternativa pa saborguiar la gastronomía local. El Principáu punxo en marcha un sellu de calidá llamáu "Sidreríes d'Asturias"—Calidá Natural— pa estremar les meyores, y tien otra "Meses d'Asturias"—Eselencia Gastronómica— qu'engloba los restaurantes de sonadía. El Club de Guisanderes ta formáu poles guardianes de la cocina tradicional y les estrelles Michelin son la punta de llanza d'una xeneración nueva de chefs que supo reinventar les recetes de la tierra. Amás d'ellos, vinateríes, tabiernes y cafés completen les opciones.

### Más información:

[turismoasturias.es/organiza-tu-viaje/donde-comer](http://turismoasturias.es/organiza-tu-viaje/donde-comer)


## Compres

Asturias ye tierra d'artesanos y d'oficios tradicionales que dexen a los vixieros mercar una partida grande de souvenirs representativos de la tierra. Pue enllenase la maleta con talles de madera, xoyería con simboloxía propia o con material como l'acebache, accesorios en cueru, prendes texíes en llana, elementos pequeños de decoración, piezas de cuchellería... La web d'Artesanía d'Asturias brinda un montón de pistes:

[artesanideasturias.com](http://artesanideasturias.com)

Tamién se pue escoyer dalgún productu o elementu col logotipu bonu de reconocer de "Asturias, Paraísu Natural".





Nun lo pierdas...

#### Explora'l paraíso

1. El Mirador del Fito (Parres)
2. El Mirador d'El Pozu la Oración (Cabrales)
3. El Mirador del pueru d'El Couniu (Cangas del Narcea)
4. Los Lagos - Parque Nacional de Los Picos d'Europa
5. Llagos de Somiedu – Parque Natural de Somiedu
6. Parque Natural de Las Fontes del Narcea, Degaña y Ibias
7. Parque Natural de Redes
8. Parque Natural de Penubina-La Mesa
9. Reserva Natural Integral de Muniellos (Cangas del Narcea y Ibias)
10. Parque Natural de Ponga
11. Ruta de los saltos d'agua d'Oneta (Villayón)
12. Ruta d'A Seimeira (Santalla d'Ozcos)
13. Ruta del saltu d'agua d'El Ciyo (Castropol)
14. Ruta del saltu d'agua de Xurbeo (Ayer)

#### Somórguiate na costa

15. Bufones de Pría (Llanes)
16. Bufones de Arenillas (Llanes)
17. Bufón de Santiuste (Llanes y Ribadedeva)
18. Puerto de Cuideiru
19. Playa de Gulpiyuri (Llanes)
20. Cabu Peñes (Gozón)
21. Cabu Bustu (Valdés)
22. Cabu Vidíu (Cuideiru)

#### 23. Cabo de Llastres (Colunga)


24. La Costa de los Dinosaurios y el Muséu Xurásicu d'Asturies (Colunga)
25. Reserva Natural Parcial de Barayu (Navia y Valdés)
26. Reserva Natural Parcial de la Ría de Villaviciosa
27. Paisaje de la Ría del Eo

#### Absuerbi la cultura asturiana

28. Prerrománico Asturiano (Uviéu)
29. Prerrománico Asturiano (Llена)
30. Arte Rupestre: Cueva y Centru d'Arte Tito Bustillo (Ribeseya)
31. Arte Rupestre: Cueva de La Peña (Candamu)
32. Parque de la Prehistoria de Teberga
33. Muséu de Belles Artes d'Asturies (Uviéu)
34. Muséu del Pueblu d'Asturies (Xixón)
35. Real Sitiu de Cuadonga (Cangues d'Onís)
36. Castros d'El Castriyón de Cuaña y del Navia
37. Muséu Arqueolóxicu d'Asturies (Uviéu)
38. Premiu "Princesa d'Asturies" (Uviéu)\*

#### Mira al to alredor

39. Muséu de la Minería y de la Industria d'Asturies -MUMI- (L'Entregu -Samartín del Rei Aurelio)
40. Ecomuséu Minetu Valle de Samuño (Ciañu-Llangréu)
41. Pozu d'El Sotón (Sotondio-Samartín del Rei Aurelio)



42. Pobláu Mineru de Bustiello (Mieres)  
 43. Muséu de la Mina d'Arnáu (Arnáu-Castrillón)  
 44. Muséu del Ferrocarril d'Asturies (Xixón)  
 45. Muséu de la Siderurxa d'Asturies -MUSI- (Llangréu)

#### Actívate n'Asturies

46. Baxaes en canoa o piragua pel ríu Sella  
 47. Baxaes en canoa o piragua pel ríu Nalón  
 48. Baxaes en canoa o piragua pel ríu Navia  
 49. Ruta del Cares (Cabrales)  
 50. El Picu Urriellu (Cabrales)  
 51. Sienda del Osu (Santu Adrián, Proaza, Teberga y Quirós)  
 52. Vía Verde Turón (Mieres)  
 53. Vía Verde del Eo (San Tiso d'Abres)  
 54. Surf en Xixón  
 55. Surf en Xagó (Gozón)  
 56. Surf en Salinas (Castropol)  
 57. Estaciones d'Iviernu: Valgrande-Payares (Llена)  
 58. Estaciones d'Iviernu: Fuentes (Ayer)

#### Piensa col estómagu

59. Muséu de la Sidra (Nava)  
 60. Muséu del Vinu y bodegues del vinu DOP Cangas (Cangas del Narcea)  
 61. Cueva-esposición del quesu Cabrales y Queserías (Cabrales)  
 62. Puya en vivo nunha rula de marineros (Avilés, Llastres, Veiga)

#### Llati col corazón urbanu

63. Avilés y la so cai porticada: Galiana  
 64. Centru Niemeyer n'Avilés  
 65. El barriu de marineros de Xixón: Cimavilla  
 66. Llaboral Ciudá de la Cultura, en Xixón  
 67. Cámara Santa y la Catedral n'Uviéu  
 68. Mercáu El Fontán n'Uviéu

#### Alienda Asturies

69. Taramundi y el so Conxuntu Etnográficu d'Os Teixóis  
 70. Muséu etnográficu de Grandas de Salime  
 71. Un paséu peles brañes de Somiedu colos sos *teitos* tan emblemáticos  
 72. Conxuntu d'horros de Güeñu (La Ribera)  
 73. Les Mayaes de Los Picos d'Europa  
 74. Descubrir la Vega de Brañagallones (Casu)

#### Anda camin del pasáu

75. El Salvador na Catedral d'Uviéu  
 76. Monasteriu de San Salvador de Corniana (Salas)\*  
 77. Colexata de Salas  
 78. Monasteriu de Santa María la Real d'Oubona (Tineo)\*  
 79. Palaciu de Cienfuegos (Ayande)\*  
 80. Castru d'El Chao Samartín (Grandas de Salime)

\*Visita esterior

# Asturias

---



Síguinos en:



[facebook.com/TurismoAsturias](https://facebook.com/TurismoAsturias)



@TurismoAsturias



@TurismoAsturias



@turismoasturias



[youtube.com/asturias](https://youtube.com/asturias)



Agora en ***turismoasturias.es***  
busca, escueyi y reserva'l  
to agospedamiento.

---

Tel: 902 306 600 #ParaísoNatural  
985 185 860 #VuelvealParaíso



[turismoasturias.es](https://turismoasturias.es)



**Asturias**  
paraíso natural



---

GOBIERNO DEL  
PRINCIPADO DE ASTURIAS